

## Transkription von Stadtbucheintrag DAN 1498b

Ort, Datierung: Danzig, 1498-??-??

Signatur: Stadtarchiv Danzig, 300, 41/188, 1-2

Inhalt: Hedewich Masz: Erbteilung; Katherina Monsterberg: Erbteilung

Hedewich Borchart Masz Nagelaten husf(ruv)e yn vormu(n)tscop hynrick /bollen heft Schicht vnd(e) delinge gedan erem elicken vnmu(n)digen /kynde anneke yn vormu(n)tscop Cleysz vnderstoder vnd(e) peter Baer / van eres vorstorue(nen) ma(n)nes wegen zelige Jörgen masz dede is / gewest des baue(n)sc(reuenen) kyndes elike vader Besunder blift de baue(n)sc(reuene) / hedewich schuldich erem eliken kynde baue(n)sc(reuen) yn alle erenn(e) / beredestenn(e) goder bewegl(ig) vnd(e) vnbewegl(ig) vor alle man erst Ix / m(ar)g geringe to betalen to des kyndes mu(n)digen jaren der beta-/linge nerne leddich noch losz to taten denne vorgeheidem dinghe / vnd(e) zal dar to dem meydeken baue(n)sc(reuen) geue(n) j par kleder mantel / vnd(e) rock vnd(e) eyn vpstande bedde vnd bedde gewant mit aller / to behorynge wen sze to eyne(m) manne gegeue(n) wert vnd(e) zal dath / kynt dar to holden mit kost kledinge mit aller plege bet to des / kyndes mu(n)digen Jaren des kyndes gelt vnuormy(n)nert vnd(e) de Schicht eyt steit an bet to des kyndes mu(n)digen Jaren des beholt de baue(n)sc(reuene) / hedewich vpstande erue liggende grunde schult vnd(e) wedder schult / by sick Actu(m) vt supra /

katherina thomas monsterberg(es) Nagelate(ne) husf(ruv)e yn vormu(n)tscop ker-/sten Baryns heft Schicht vnd(e) delinge gedan Caspar klobe yn vormunt-/scop syner elicken husf(ruv)e elizabet van eres vorstorue(nen) ma(n)nes wegen / zelige thomas mo(n)sterberch vnd(e) de vorgesc(reuene) caspar vorlet der baue(n)sc(reuenen) / katherina den schicht eyt vnd(e) danne bet ehr goder Schicht vnd(e) delinge / to vwllen gnoge vnd(e) wil vp sze der schicht vnd delinge halffenn / baue(n)sc(reuene) nicht mher saken yn allen tokame(n)den tyde(n) goytlicks noch // wertlickes gericht(es) bynne(n) noch bute(n) landes des beholt de baue(n)sc(reuene) / katherina farende haue schult vnd(e) wedder schult by sick vort / heft gestanden vorgeheidem dinge kersten baryn vnd(e) js der fruv(e)n / katherina baue(n)sc(reuene) burge geworden vornamani(n)ge jar vnd(e) dach / by syne(n) vpstanden erue(n) vnd(e) ligge(n)den grunde(n) Actu(m) feria [...] anno xcix [...]